

新繁縣鄉土志卷三

耆舊錄

曰耆舊流風於名臣得梅摯勾濤張惠嚴樹森於名儒
得任末費密而楊宏縉傅颺言張廷獻高登張粹德王
家佩楊德三高汝論高映南高汝銘高象恒周鏗龍炳
垣高汝評謝濟勳附焉於忠節得章明侯剛費經國經
世經濟左有之王國泰黃材官於循吏得周表權周尹
勾士良勾大章王平樊景麟劉克勤費經虞李璉李天
錫楊宏緒徐純修趙廷鼎梅運昌張宏仁李湛葉如松
鄧春林沈錫周於孝友得徐表何剛王廷貴陳聯登王

前詔李正茂林天照王輝宗胡行縈張崇本楊浩楊世
任吳萬鵬黃文中羅裕光高汝南龍正飛鄧承恩魯懷
泗郭紹先蔡士玠梅繼良陳楊周楊步青余天福李迎
祐甯忠相彭謙李遠定楊壘李壽萱陳心準梁茂先於
睦嫻任卹得胡永壽李應鯤駱有聲周世臣馬岷楊珙
高燾甯盛祿何運泰魏金闕梅芳九十二人焉

宋

梅摯字公儀官龍圖閣學士事具宋史本傳

勾濤字景山歷官兵部郎中兼權中書舍人徽猷閣

待制知池州提舉江州太平觀荊湖北路安撫使知

潭州事具宋史本傳

元

張惠 字廷傑歷官參知政事遷中書左丞進右丞又拜榮祿大夫平章政事行省揚州事詳元史本傳

國朝

嚴樹森字渭春由知縣起家歷官荆宜施道湖北布政使湖北巡撫廣西巡撫官湖北時多惠政性綜核善理財胡文忠林翼剿髮逆倚公籌餉以集事光緒十一年

朝廷思中興功臣

新繁縣鄉土志

卷二

二

遣官祭其家

右名臣

漢

任 末字叔本事見漢書儒林傳

漢志繁人華陽國志新繁人案繁新繁古通稱詳卷首惟不詳先正里居果在今治否也後章侯二公及張昭儀例同

國朝

費 密字此度號燕峯新繁人明桂林守經虞子年十四值父病劇醫言嘗糞甘苦可決生死密嘗糞覺苦

病果起崇五甲申流賊張獻忠犯蜀密年二十爲書
上巡按御史劉之渤言四事練兵一守險二蜀王出
軍餉三停徵十六十七兩年錢糧四未果行成都陷
密輾轉遷避得不遇害丙戌入什防縣高定關倡義
爲砦拒賊賊乘間劫營設伏待之不敢犯一方以安
時經虞仕瀆以家遭大變屢乞休密聞之隻身從兵
戈蠻崗入滇丁亥奉父歸入建昌衛十月至黎州省
母十二月復入建昌過相嶺被囚者蠻擄去明年戊
子贖歸會楊展鎮嘉定聞密名遣使致聘就焉因說
展屯田雅州龍門復於彭山江口命人沈水得獻忠

棄金爲民間買牛種餘貲悉給諸鎮得久楊賊相持
十月同展子璟新屯由於榮經瓦屋山之楊村入叙
府遇督師呂大器署爲中書舍人已丑秋楊展爲降
將武大足袁韜等所害密與璟新整師復仇與賊戰
身自擐甲時營在峨眉裨將來某與花溪民有釁詐
稱花溪民下石繫營勢且反以激璟新新璟怒遽署
檄討之密力爭曰花溪吾民也方與賊戰而殺吾民
彼將去而從賊是益賊也乃止率殘卒復與璟新屯
田於瓦屋山庚寅還成都省墓至新津爲武大定賊
所劫十月又爲杜漢良掠送大定營幾被害十二月

乘間還楊村復竄身西域不毛之地墜深阱傷其足
至跋辛卯四月歸新繁舊宅皆爲灰燼明年二月至
陝西沔縣遂家焉當時公卿將相震其名爭相延至
留楊展父子幕最久所至屯田爲持久計天命人事
已改是以大功不就已乃究心內經傷寒論金匱諸
書後聞二程見人靜坐便歎爲善學內申與破山門
人通醉論禪四月遂入靜明寺雜僧徒靜坐坐六七
日心不能定自厲曰百日之坐尙不能自定況其大
者乎誓不出門半月餘乃定嘗言始半月視物疑爲
二物如履在牀前心中復有履久之胸中見紅圈漸

大至肌膚而散頗覺暢美一夕聞城濠鴨聲與身隔
一層如在布袋良久忽通鴨聲水流入身中甚快乃
歎曰靜坐二氏之學吾儒實學當不在此益有志古
學丁酉十月携家出沔漢戊戌春至揚州時王司寇
士正司理揚州見密古詩以爲絕倫尤愛其近體白
馬巖中出黃牛壁上耕鳥聲下楊柳人語出菰蒲大
江流漢水孤艇接殘春等句當日咸謂知言又流寓
泰州州守爲除徭役辛亥居父喪悉遵古禮冠衰皆
仿古自製服闋以父遺命往事孫徵君奇逢一日論
朱陸異同密進言漢唐諸儒有功後世不可泯滅徵

君大以爲然又與考歷代禮制之變逾月辭歸徵君
題吾道其南四字爲贈丙辰冬孫徵君卒於泰州圓
通觀設主受弔冠細麻加粗麻一道橫於上衣用白
布二十一日始焚主出庵丁巳入山東提督將軍柯
永榛幕會舉博學鴻儒永榛屢欲論薦力辭止乙丑
修明史頗采舊臣遺佚者密塗泥入都奉其父行狀
涕泗沾襟在館諸公咸爲感動己巳大病尋愈乃自
定生平所著詩書謂三代而後漢唐以下諸君皆無
撫綏萬類釐正典章使衣食足而禮義興此卽道之
見於政治者也後世儒者去實而就虛陋平而驚遠

空談性命不求諸事功私立道統之名於是羲皇以
來堯舜禹湯文武裁成萬物表正四方之道不屬之
君上而屬之儒生乖謬實甚司馬遷曰天下重器王
者大統惟天子得以名之諸侯尙不敢干况士乎因
序古今有道之君爲統典纂古今文武忠義之臣爲
輔弼錄七十子爲道脈譜並考古經與歷代正史旁
采羣書序儒者授源流爲傳八百餘篇儒林二千有
奇謂不宜尊宋儒而黜漢唐以來學者於不問其論
甚正著中傳正紀百二十卷宏道書十卷聖門舊章
二十四卷文集二十卷詩鈔二十卷河洛古文尙書

書說各一卷周禮論一卷二南偶說一卷瓊極一卷
中庸大學古文一卷中庸大學駁論一卷卷太極圖記八
卷聖門學脈中指錄一卷古史正十卷史記補箋十
卷歷代紀年四卷禮備錄十卷古文要旨一卷蠶北
遺錄二卷奢亂紀略一卷荒書四卷零簪歸來晚暇
紀四卷歷代貢舉合議二卷二氏論一卷題跋六卷
尺牘六卷詩餘二卷雜著二卷費氏家訓四卷長沙
發揮二卷王氏疹論一卷金匱本草六卷集外雜存
八卷補劍閣芳華集二十卷雅論二十六卷共三十
六種辛巳病下痢卒年七十有七門人私謚中文先

生

錫 碧 錄

附密長子錫琮字厚蕃能詩有父風爲人慷慨任事
方正不阿著白鶴樓藁當時談藝謂品格在皇甫曾
上

次子錫璜字滋衡幼有至性每念祖墓漚然出涕時
兵燹甫定道路榛莽而新繁遭獻屠後井里尤不堪
璜自揚州還省祖墓艱苦流離困頓旅館生死瞬顧
卒掃墓封樹以成其志今經文寺何家巷費氏祖墓
尚有樹石皆璜跡也封樹時流涕呼號居鄰皆不忍
見嘉歎其孝與父密嘗糞事相同云學殖宏博根柢

深厚古詩樂府上接漢魏蒼蒼莽莽古音益流以遭際明末時露骯髒然其言忠厚絕無囂張之氣論者比其詩在唐人李頎崔顥之間信不誣也生平豪放不羈嘗登之罟投其詩於海中痛哭而反蓋悲其才之不遇而求交於天吳陽侯也其好奇如此琮子冕璜子軒皆以詩名天下故此度詩傳未替軒弟藻舉人孟入成都籍

節錄舊志

右費先生事畧仁壽陳韶湘鵬碧錄係用新繁舊志之文而稍簡臚陳著述則加詳焉故舍彼錄此惟舊志撮宏道書要旨云宏道書所以廣聖人之

道也曰統典論曰輔弼錄論明大統必歸帝王不
得以儒生參之也曰道脉譜論明先聖以來七十
子傳人具在不可滅沒其功也曰古經旨論曰原
教明聖人之道古經具在無所謂不傳之秘也曰
聖門育材論明聖人取人甚寬不可舉一廢百也
曰祀先聖禮樂舊制議曰先師舊制議曰七十子
封爵舊制議曰七十子爲後議曰從祀舊制議明
漢唐以來學校不可廢先儒不可黜七十子漢唐
過薄而宋儒過厚也曰先儒傳道述曰聖門傳道
述明帝王師儒有舊章不可雜不可改易也曰吾

道述明聖教不同於二氏也並附載諸圖爲十卷是爲宏道書陳氏所錄則以統典輔弼錄等與宏道書別出而中傳正紀之旨亦似與道脉譜複蓋先生遭離患難崎嶇轉徙戎馬之間著述未經付梓至今蜀中不存隻字舊志及陳氏似皆未見先生之書而得諸傳述者如此故致參差相傳嘉道間縣南關外經文寺何家巷村民掘地得長木匣中藏先生抄本著述甚富旋爲某氏不知愛惜者所取邑中屢經訪求不得蓋久歸散佚矣夫先生藏以俟後人後人既發而出之宜光顯矣而卒湮晦豈非數耶先生後家揚州或彼處猶可以徵文考獻耶先生懲晚明學者空言心性之弊論學必歸諸實用與顧亭林同其博綜淹貫未知視亭林何如而乃心宗社上書當事參佐戎幕有所試矣大功不以則天也古詩數十篇流播人口餘事耳志縣便就先生入文苑傳失當哉

右名儒

附錄舊志儒林

楊宏縉字笏書學以誠敬爲宗雖晏處必正衣冠居鄉

尤多隱德

節錄

傅颺言字巖賓光明俊偉有節氣不近時趨究心關閩
濂洛之學及漢唐之文新繁文體自颺言出爲之一

變節錄

張廷獻字大謨

高登

張粹德文能名家節錄

王家佩字鳴玉

楊德三字康亭大挑知縣歷任南樂甯津河間任縣清
廉自矢免官後貧不能歸順德府姜公延主龍崗書
院三年士風丕變旋遊江蘇陶文毅延主崑山無錫

書院造就甚衆旋里後主講邑書院二十餘年歿後

門人爲立德教碑云節錄

高汝論字默齋爲學務求實踐行則視履坐則觀心著

有人字圖說闡發易義極精節錄

高映南品正行方以講道爲事族人皆化感知敦品

高汝銘篤於講學小學近思錄陸稼書文集尤所服膺

著有經世約篇鼎軒古文一卷節錄

高象恒武生以孝友稱平居雖盛暑未嘗裸露坐必端

几席年九十三臨終誠子孫無得作佛事此有子雖

曰未學吾必謂之學者與舊志入篤行
令附識於此

周 鏐字子昂

龍炳垣字嘯崖篤好朱子之學著有朱子講學輯要編一卷孝經酌從編串說一卷讀書做人譜一卷前學使楊秉璋奏舉孝廉方正

欽賜翰林院待詔

高汝評字朗山幼讀書過目不忘年十九游庠設帳於鄉務以躬行實踐爲教藍逆之亂聚鄉鄰朝夕訓練勗以不惜命出私財濟急辛酉三月潰勇虜掠過公里里人男婦老幼環依公舍潰勇見公立門外謂其黨曰高公在舍何可驚由他道去論者謂惜當時未

新繁縣鄉土志

卷二

十

遇羅羅山胡潤之諸公切確提絜致令斯人終老卒年九十六晚好理學詩文有格所著有中庸管見尋

樂山房詩文稿

呂宗典志

謝濟勳字放廷父大賓嗜先儒性理書篤躬行君幼承家學性孝友親歿廬墓三載妻周氏卒鰥居人以此稱君怫然張香濤尙書督川學時賞其文筆老到真讀書人君嘗曰新當世民吾不能新後世民可也讀易因兩儀四象得不傳之心學於遺經力闢金溪姚江之心學近禪者著有周易象圖一卷上下經說十卷繫辭傳說卦傳序卦傳雜卦傳說三卷尙書經義

一卷詩經序義正一卷孝經述一卷論語義述一卷
大學定本述一卷中庸釋一卷說孟芻言略說一卷
詳說七卷清繁新韻一卷好古敏求齋詩文集二十

卷 呂宗典志

呂宗典贊曰儒經濟經鈞元高也誠謝也真

漢

章 明字公孺新繁人也爲太中大夫莽篡位嘆曰不
不以一身事二主遂自殺 華陽國志

侯 剛字直孟新繁人也爲郎見莽篡位佯狂負木斗
守關號哭莽使人問之對曰漢祚無窮吾甯死之不

忍事非主也莽追殺之 華陽國志

明

費經國經世濟俱嘉誥子獻賊屠蜀賊將與經世有舊
欲官之不可兄弟俱遇害 舊志

國朝

左有之字宜軒少豪俠負奇氣好讀兵書任事不避嫌
疑學使道州何子貞先生奇其文補子員滇匪寇蜀
入副將張萬祿幕戰死於榮縣之秀才坡 節縣志

王國泰武生性慷慨然諾不欺通山會之亂督團丁防
勦死於彭縣石洞隕今與左有之附祀雙忠祠 節縣志

黃材官清白江人逸其名髮逆之亂江忠愍公忠源失守皖城巷戰受創從者盡逃材官獨守公不去公麾之曰我大臣當與城同亡汝何爲不去材官泣不肯公復謂之曰汝能及我使我早報國否則汗賊手是辱也材官泣以佩劍授公時公臥地不能興得劍乃自裁材官大哭以劍挫淺土掩公體時賊方淫掠各衢市故材官得以從容守公尸又三日家人跡至告以殉義始末命速潛募人奉公體歸吾當從公地下也即佩劍自刎家人竝掩之公側又數月賊去家人乃掘浮土斂公則公面如生鬚髮猶張而材官亦凜

然若生時云節縣志右忠節

附錄

高乾元武生勦達州教匪陣亡 高占先行伍勦達州教匪陣亡 高先春行伍鎮江府陣亡 趙德全募勇湖北潛山縣戰亡 史紀忠守備江南安德門戰亡 鄢篤忠守忠弟兄從左有之戰死榮縣 藍正宗募勇勦藍逆青神縣陣亡 王正魁督團勦賊陣亡 汎兵曾萬正曾萬祿蕭春華曾占雄遇賊清白江陣亡 甯忠鑑監生賊至連封橋督勇丁截戰同子甯孝泰孝意陣亡 周文敷文生隨團勦賊陣

亡 鍾康達楊天壽劉正章沈子厚賊至其家與賊
格鬪而死 何國欽劉世朝蔡忠玉羅正林賊脅之
去不屈而死 劉長星石得萬王熙貴楊開宗王升
張榮趙懷高李芳元李國舉遇賊錦江橋陣亡 陶
光興鍾廷璋劉兆元薛洪江玉成陶占春官國梁夏
芝生羅天貴劉上安遇賊清白江陣亡 甯國侯從
九尹昌富甯國間遇賊清流塲陣亡 楊大明積功
授千總隨營至甘肅陣亡

宋

周表權字思道後更名表臣慶曆六年進士熙甯中知
漢州會從子尹論蜀中權茶之害表權是尹議與時
論不合罷去元祐四年再知漢州蘇文忠公軾以詩
送行曰茶爲西南病岷俗記二李何人折其鋒矯矯
六君子君家尤出力流落初坐此指其事也

周 尹字正儒與表權同登第知利州熙甯中召爲侍
御史時李杞劉佐相繼爲三司判官立權茶法蜀民
病之尹還未至都上書言成都府路置塲權買諸州
茶盡以入官最爲公私之害初李杞倡行敝法劉佐
攘代其任無他方術惟割剝於下而人不聊生矣臣
受命入蜀乃知爲害甚鉅有知彭州呂陶知蜀州吳

師孟等奏可以參驗往者杞佐繼陳苛法卽信用其
言今議者條其剗蠹悉皆明白未卽采聽乞罷權茶
之法許通商買賣以安遠方疏上就道除尹提點湖
北路刑獄元祐初自考功郎中出爲梓州守民安其
政秩滿願借留詔許之後丞相呂大防典領實錄見
尹前所言事歎曰君子哉斯人也言於哲宗除直秘
閣尹四子禔禧祈祠惟祠登第餘皆以賞得官

見蘇詩施注
及氏族譜

舊志
云俱

勾士良嘉祐間以祕書丞出知中江築堤捍江憂深慮
遠其堤三興三廢後令廖子仲克成之

勾大章字德成士良之孫士良嘗築西堤歲久傾圮大
章沿岸創堤防三里許名曰勾公堤叅軍景西仲有

記俱通志

明

王平洪武中以御史出爲河南僉事行部孟津宜陽
屬吏有謀以貨撓法者平以狀聞賜勅褒獎累官右
都御史

樊景麟號九岡嘉靖二年進士官終雲南憲副初知長
沙府民謠曰樊作長沙官只飲長沙水仕滇時以諫
止巡撫酷刑忤其意被劾廷臣素知景麟共言其善

巡撫罷景麟亦掛冠歸

案彭縣志入景麟鄉賢今姑仍舊志

劉克勤字澹銘新繁人萬曆進士任永州推官嚴禁役吏一郡肅然刊戒貪格語黏壁以警僚屬去後士民

建祠祀之

湖南通志

費經虞字仲若早孤事母孝常割臂療其疾好學敦行州里重之崇禎十二年舉於鄉十七年正月授昆明知縣有江西人選什邡典史攜幼婦偕經虞行次沅州而典史卒爲出貲殮殮之婦無所歸欲適經虞不可以配士人年少者明年土酋吾必奎反伏誅俘其徒數百人下昆明按問則皆良民其人繫縛饑困氣

息僅屬經虞急釋其縛居之廡下煮糜食之而畀蓐草使寢處夜草牒力白其事上官屢駁執如初乃止罪十二人餘皆獲免復給資遣之其人歌舞而去無何土酋沙定洲返逐黔國公沐天波而迫巡撫吳兆元令署爲都司羣僚憚其凶威莫敢與抗獨經虞以都司禮之明年遷雲南府同知是時蜀中大亂投牒乞歸流寓雅州五年始還里而蜀亂猶未靖乃轉側入陝流寓沔縣者又五年兵戈饑饉屢瀕於危而經虞讀書不廢已乃東游至揚州遂家焉閉戶纂述揚州人希得見其面有毛詩廣義二十卷字學十卷雅

倫三十卷卒年七十門人私謚曰孝貞子密自有傳

縣節志

國朝

李

璉以明經授彭水訓導陞任餘杭縣丞山水發衝

決堤岸璉晝夜居水次畢力障塞所用材物輸俸爲

之至今稱爲李公堤焉

節舊志

李天錫字奉若康熙甲子舉人儻不羣喜結納知南

樂縣值歲饑流民餓至捐糜賑恤全活無算復除甲

首越境徵輸之累民賴以安

節舊志

楊宏緒字丹山康熙辛丑進士歷任河南湯陰尉氏洧

川等縣在湯陰時值歲荒請開倉賑卹貧民鬻妻女

者出俸錢贖之尉氏多盜號難治至則力行保甲計

擒盜魁閭井以甯在洧川恤獄囚晝夜治文書審理

判決釋株連輕罪責囹圄一清河東總督田文境奇

其才奏擢福州守歷任道員所至有能名擢浙江案

察使先是浙省案牘積壓吏緣爲奸宏緒設鑼於門

許囚至鳴鑼報聞隨至隨鞫其害乃除以事左遷病

卒著有文集

節舊志

徐純修雍正己酉舉人乾隆十七年知永平縣多惠政

闢象鼻山令民耕種歲得穀數千石捐俸廉以設書

院與諸生講學不倦回籍後年九十終 節舊志

趙廷鼎字松川乾隆乙卯舉人歷官河南廣西知縣有政聲任羅城時邑多曠土民不知取水溉田廷鼎相度原隰爲築堤隄溉田數萬畝民樂其利爲立民祠名其隄曰趙公隄 節舊志

梅運昌舉人任福建甌甯縣有政聲 節舊志

張宏仁字宅安乾隆丁丑進士任直隸臨城縣知縣以

勤能陞潁州知府 節舊志

李 湛字露清乾隆辛卯舉人任山東萊蕪縣知縣下車後興利除弊以政道民有能聲服官五年回籍 節

舊志

葉如松以襄辨黔省軍募積功至道員歷任撫臣皆器重倚任之權鎮遠知府時苗疆軍事方劇乘險之官內守外禦布置裕如卒以無患官黔久知其山川險要邊衛隄塞凡大府有諮訪暢言利害聞者如身親其地時瘡痍滿目而如松撫民以惠憐苗獯以威故所至帖然卒時年五十 節舊志

鄧春林字松坪新繁人寄跡彭縣由舉人官直隸知縣天旱祈雨無不應景州蝗爲文禱之夜雷雨蝗盡死任青縣鄰境滄州多巨盜民越青求示悉歛迹任靜

海鋤巨惡斷疑讞除蠹役民頌青天鄧母卒年七十

九清貧如故

節彭縣新繁志

沈錫周字孟南庚辰進士官湖南知縣多惠政民頌青
天後官湖北道員在鐵政局每歲節糜欸甚鉅以勤
能稱丁艱後卒

右循良

明

徐表以孝聞於鄉適父病危醫不効乃割股以進遂
愈隆慶間與同邑王廷貴並賜旌廷貴割右股肉愈
母疾又割左股愈父疾並見通志

何剛新繁人親喪廬墓三年不怠

通志

陳聯登字華字水村人少以義勇聞兄聯芳為邛州守
備甲申冠亂賊數萬窺邛州芳禦於上安鎮戰敗追
急欲自刎登急前抱持曰兄無死我代兄兄存可收
散亡擊賊也因奪芳甲冑衣之馳赴賊賊以為芳矢
亂發死大河岸芳得脫復整軍逐賊收弟遺骨匱而
藏之亂定載歸新繁葬先壟登無子芳命子孫皆祖
登且屬死後合葬焉

舊志

國朝

王前詔兄命詔為族人誣奪全事亡去邑令繫命詔子

前詔念姪幼願代受杖且鬻已產以償令廉其實乃旌之

李正茂字喬松勤儉敬慎好讀書生三歲父歿於外年十九入泮卽隻身往江南訪負其父遺骨歸葬後舉乾隆丁卯鄉試官知縣

舊志

林天照嫡母陳氏病天照割左股和藥母遂愈十年病又作更割右股病大愈縣志稱其在庶子尤難云又有胡行縉王輝宗皆以割股愈母病聞

舊志

張崇本水村人弟崇志生子映元甫彌月崇志亡妻李氏未半載亦相繼歿崇本與其妻郭氏撫養映元恩

勤鞠育無異己子

舊志

楊 浩水村人孝行素著鄉里無閒言母卒哀毀愈度葬後廬墓三年足不履城市亦未嘗至家焉

舊志

楊世任性孝友博學能文所著有詩集勸士農工商諸

篇

舊志

吳萬鵬年十九父歿母柯氏有遺腹忽患失血萬鵬割股以進母病遂愈後生弟晉家貧竭力養母教弟晉遂成名舉鄉試官教授

舊志

黃文中監生粵籍人回粵負父骸骨途中備極苦瘁丹覆溺仍抱遺骸以出可謂孝格鬼神者矣

縣志

羅裕光李村人監生樸誠篤厚其父病甚殆或曰子臂可療也裕光急禱於神割臂同藥進果愈平生輕貨財置義塚數區且完人嫁娶者數家

縣志

高汝南水村人少孤力學事孀母克盡色養友愛諸弟年六十餘析爨不忍離猶朝夕共處一堂怡怡如也

縣志

龍正飛字利垣性友愛兄患瘡在腹勢危殆正飛禱於神願以自代兄瘡愈而正飛果患瘡如兄所患痛甚因思已實代兄何辭痛苦逾一夜亦愈鄰有與兄訟者官欲杖兄飛自陳請以身代官義之竟負杖歸年

新繁縣鄉土志

卷二

二十一

八十卒

縣志

鄧承恩家貧館食事母孝尤友愛諸弟季江陽病歿遺子女載歸同居養教備至

縣志

魯懷泗有文名友教甚廣得館金置業百畝其兄久異爨至是貧懷泗仍均分無所私同時有郭紹先蔡士玠亦以讓產聞云

梅繼良兄森春以貧改業繼良資之讀遂入邑庠兄或他出暮未歸繼良必燭迎於道兄感其意遂不夜出

縣志

陳錫周庠生其異母兄品貧困鬻其祖母膳田盡遂亡

去錫周亦貧竟迎養焉數年祖母與父母卒錫周獨任營葬而品仍貧錫周復僦屋居以已產讓之後品卒錫周猶時恤其寡嫂云又楊步青邑增生守正不阿歲得館金悉以委兄戚某貸其金不能償遂焚券讓之人高其義

縣志

余天福事後母孝端厚和平鄉鄰感化以不爭成俗又有李迎祐家貧孝友力食少有餘貲卽以賑貧乏無所吝沒三十餘年鄉人猶稱頌之

縣志

甯忠相事母孝母歿哀毀成疾卒卒之日尙頻呼母氣

不屬始已

縣志

彭謙貧無妻子力作以養母卒姝幼負之以耕後少

羸復爲父娶事之如生母

縣志

李遠定藍逆來縣時奉父母避賊賊追至遠定護其與

親

賊格鬪而死

縣志

楊堦字伯笙羅村人家貧館食於外日以甘旨寄奉母不少缺年四十已酉登鄉薦通山會匪之亂堦治防甚力授平武縣訓導訓士有法士景從之歷一任

卒

縣志

李壽萱字蔭堂幼孤母杜氏若節教之成弱冠游庠負債爲母請旌建坊援例訓導選授叙州府學暇集五

朝詩鐸五朝文鐸先儒語鐸諸書以廣教導念先母請旌用費艱鉅儒學有詳請旌表之責因捐貲作辦文用費蒞任十餘年所刻戎州節孝錄至八百餘名乾嘉時苦節因公始獲闡揚者性好菊耽詩有穀詒堂集古詩鈔秋英拾慧曉書法性和而介家規尤肅女子和孫女菊英均以割股救母蒙

恩旌表孝女云

呂宗典志

陳心準字平山性純孝終身孺慕父歿不食者數日居喪足跡不出堂外葬後直藍逆入縣境家人避入城守墓不忍去未幾賊由他道往免於難時母年七十

每日晚墓宿早歸家奉母年餘母憫其瘁力阻乃從命從此伴母寢訖母卒廬母墓三年兄病焚疏願身代最敦宗族嘗服膺李文貞公以父母之心爲心無不和之兄弟以祖宗之心爲心無不睦之族人以天地之心爲心無不愛之民物數語族中貧嫠調恤之子弟貧無業者助貲習藝其不肖者諄諄訓誡居鄉鰥寡殘疾尤多施濟所居濱清白江某年大水洲中居民十餘家幾淹沒出重貲雇船救悉免因倡設拯溺會葬浮屍甚多卒年六十

呂宗典志

呂宗典贊曰親親仁民惟陳庶幾詩文木鐸亦有音

徽

梁茂先字秋繁光緒癸巳舉人性和平友愛人稱悌弟鄉舉後留京凡都中游賞事皆不與或同人讌集恒含淚向隅蓋以兄羸疾未嘗一日忘也及歸兄已歿悲哀甚無聊則痛飲因得疾再赴春官遂卒於都茂先博學能文與人交尤肫篤敦古誼通緩急故其卒也邑人咸驚惋而士林尤致惜之云右孝友

明

胡永壽樂善好施鄰有盜取其綵帛者衆迹之永壽曰彼自有帛非吾物也嘗積金一罌以濟急難晚年扶

蒼頭出游遇貧乏輒加賑恤年九十七終

縣志

國朝

李應鯤定鼎開科補弟子員食餼貢成均應鯤爲始時兵燹後創修

文廟立縣治設四村與二三老成殫力經營不遑寢處又念學者寥寥四顧荒莽爲虎狼出沒之區乃築館舍宅旁命家人炊爨延英俊就學寒暑弗輟自是文風漸起後館舍改爲闡教菴

駱有聲字遇伯水村人讀書好義鄉人劉瓊年老無依常衣食之瓊感甚臨終爲有聲誦佛號而絕鄰人段

某朱某父死貧不能具棺有聲爲買棺殯殮兼襄葬事新繁新都金堂三邑人民共舉爲都江隍長任事二十年數辦大工節浮費胼手胝足口不言勞凡遇鄉隣雀鼠之爭必直言解紛訟平乃已年六十餘猶手錄經藝訓課子孫年八十餘卒

縣志

周世臣字度齋韓村人增生少孤事母以孝聞鄉試不售遂棄舉子業攻歧黃術策蹇驢奚奴佩藥囊從之所治多愈不受其酬里中有菴嘗建倉貯穀顏曰耕餘春貸秋償不取息每遇寒食集族人於祖塋拜祭畢必宣講孝經家素封逋負者悉取券與之曰毋爲

爾子孫憂也晚歲別號存仁子善念彌篤年四十七

率

縣志李西區先生作周齋度先生碑記

馬 配字三升性慧而介搢紳多資決焉與華陽蔣生善贍其家爲聚婦邨人羅姓貸金三百旋遭家難配憐之焚其券叔卒於雅州遺三孤方襁褓爲迎喪歸事叔母撫孤無少懈嘗市布爲盜竊去見者以告圮曰彼買去非竊也盜聞感愧卒爲善士

縣志

楊 璫監生徒步迎父柩於廣西歸竝葬趙廷鼎及妻若子之柩同歸而衣食其家置祭田四百餘畝義塚六七處保全節婦孤子尤多焉

節縣志

高 燾監生樂爲善嘉慶乙丑歲饑減價糶米二百石復饑糶一百石邑中建考棚捐柏木二十株值五百金又倡建義和橋人以善人目之又有王子善亦好善樂施捐置義塚米貴減價出糶彭運發亦好爲義舉凡孤弱多所矜恤前令程公祖潤嘉其行贈聯語以章之又有甯盛祿者權酷爲業家小康而樂爲善生平建小石橋數通每歲暮以米二十石分四五次入市減其價以平市案市井小民有此可謂賢矣彼身列縉紳田連阡陌而漠視同族之饑寒者能無愧乎

何運泰富甲鄉里至性過人事親孝與人尤忠厚平生善舉甚多如資族人之婚喪爲鬻以食乞者置義塚捐平糶米千餘石助城守費千金皆不勝述

節縣志

魏金闕羅村人家富好施與嘗謂錦江書院爲通省文教之區捐腴田一百二十畝爲士子膏火大吏爲請於

朝遂蒙

溫諭竝錫官職又有武生梅芳好施與藍逆之亂輸金佐軍需卒後妻李承其意又捐腴田八十畝爲士子公車

費邑人稱之

節縣志

案魏氏田今歸併高等學堂梅氏田今歸併新繁
高等小學堂

右睦嫻任郵

以上十七人俱詳省通志

戴三錫 四川總督

陳希曾 四川學政

程祖潤 成綿龍茂兵備道事詳政績錄

宋王 益 縣令事詳政績錄

蘇 實 縣令

明胡壽安 縣令詳政績錄

劉體仁 縣令詳政績錄

李聞馨 縣令詳政績錄

孫思述 縣令詳政績錄

陳 祖 縣丞詳政績錄

張志和 教諭詳政績錄

鄉賢祠

漢任 末 詳耆舊錄名儒

宋梅 摯 詳耆舊錄名臣

勾 濤 詳耆舊錄名臣

明王 平 詳耆舊錄循良

樊景麟 詳耆舊錄循良

馬朝錫

劉克勤 詳耆舊錄循良

新繁縣鄉土志卷三下

耆舊錄下

名宦祠

國朝李國英 順治八年巡撫四川

杭 愛 康熙十九年巡撫四川

姚締虞 順治朝巡撫四川

張所治 順治十七年巡按四川

噶爾圖 康熙二十八年巡撫四川

郝 浴 順治八年按蜀

郎廷相 康熙三年四川布政司

新繁縣鄉土志

卷三下

二

李輝祖 康熙二十七年四川布政司

高起龍 康熙四十三年四川按察司

劉德芳 康熙四十三年四川按察司

王 隲 康熙十九年四川松茂道

周 燦 康熙二十五年督學四川

陳 瓚 康熙四十八年督學四川

趙良棟 康熙十九年克復四川

岳昇龍 康熙三十七年四川提督

東朱馬喇 順治三年從肅王定蜀

南伊馬喇 從肅王定蜀

非有所取舍於其間也

蜀漢張昭儀新繁張氏女廣漢朱叔賢妻也賢爲郡督郵
建安十九年劉主圍劉璋於成都賢坐謀外降璋以
昭儀配兵將見逼昭儀自殺三軍莫不哀嘆

華陽國志

明楊羅氏庠生楊體乾妻年二十夫卒氏歸甯父母欲嫁
之氏號哭辭歸終身不歸甯

縣志

國朝程巧珍縣民程一品女父母相繼歿無子族人利其產
欲嫁女而瓜分之女泣請舅氏與族之正直者鳴於
官邑令趙公幾憐悲其意爲斥責諸無賴不得覬覦

新繁縣鄉土志

卷三下

三

女懇爲亡父立嗣令未允女哀泣動人乃許之且諭
其舅此女大孝好爲擇婿女遵諭請族之親而賢者
名本高承父祀久之本高與舅氏爲擇婿女言於嫂
欲我字待兄有後方可後本高生子復與舅氏申前
議適邑中名族求婚遂許之將受聘矣女佯喜乘家
人不覺服藥死時年二十邑令程祥棟往弔之間其
詳謂此女之貞自不可及其孺慕瞻依甘從地下則
貞以孝全者也

節縣志

論曰女子有三從之義故喪服爲夫斬衰而父母
期年蓋所天旣移與男子之仕也致其身不得顧

費嘉誥 詳耆舊錄循良

費經虞 詳耆舊錄循良

費經世

國朝費密 詳耆舊錄名儒

費錫璜

劉方玉

忠義祠

漢章明

侯剛

明胡永壽 詳耆舊錄睦婣任卹

新繁縣鄉土志

卷三下

四

國朝馬 祀 詳耆舊錄睦婣任卹

孝弟祠

明何剛

王廷貴

徐表 竝詳耆舊錄孝友

節烈祠

新繁節孝縣志共五百餘人入祠在志後者又若干人載在邑乘表諸通衢潛德幽光彰彰在人耳目以茲編義主訓蒙局於篇幅非縣志專主表章之例故稍擇其事蹟尤足感動人心者五十七人紀之如左

私親同爲天地之常經古今之通義然因後起薄
本來究已離性而之情矣故忠貞雖大節而古人
必以至德要道屬之孝也程巧珍以弱齡女子捍
禦家難使祖宗血食旣斬復續父母之鬼不致餒
而親恩旣報然後順人道之常女有家男有室聖
賢行誼何以加此乃因其初有痛父無後之一念
險阻備嘗纏綿固結愛親之念日深殉親之志日
篤觀其待兄有後一語其深計可知其至性畢見
有以諒其非矯激之行也嗚呼視貞烈殉夫者加
一等矣

黃張氏張乾英女字黃時中時中未娶卒請於父母奔
喪事翁姑喪葬如禮辛苦饑寒貞操不渝邑令朱公
有章捐廉爲氏衣食卒題其墓復詩以紀之

陳胡氏胡九疇女字陳心溥未嫁心溥以讀書積勞卒
請於父母欲奔喪父母不許將改字之以死自矢不
聽遂縊家人覺得不死乃絕媒妁言哀毀成疾父母
憐其志爲請心溥父天任夫婦至家拜爲義父母病
小愈適天任兄子娶婦女偕父母往賀楊新衣裏衰
服不使父母知下輿卽趨入室哭於心溥主前自誓
守貞賀客無不感泣自是敬執婦道撫夫弟子爲嗣

數年卒 節縣志

王陳氏陳玉乾女字王及雲雲未娶卒奔喪守貞

彭朱氏朱世泰女字彭稱員年十五稱員卒奔喪守貞

節縣志

向鄧氏鄧廷杰女字向傳廉傳廉未娶卒女聞訃哀號

嘔血矢於父母欲奔喪許之乃輟哭後聞議婚又覓

死傳廉父乃許以五年後過門女憂鬱卒卒前夕請

於父母合葬壻墓如其志 節縣志

案此以合葬故稱氏

何楊氏楊廷瑤女字何永官永官未娶卒奔喪守貞

石李氏字石啟瑩啟未娶卒即來夫家哀喪不去欲族

勸歸女以手寒耳不聞亦不語翁姑婉詢始云欲為

夫存後後撫夫兄子為嗣愛如己出一生貞靜勤儉

不喜人稱道其事事翁姑孝謹苦節二十七年 節縣志

志

李楊氏楊繼道女讀書明大義字李守譽守譽未娶卒

氏悲忿絕粒覓死者再家人勸慰剪髮誓不再字繼

道知不可奪始令奔喪 節縣志

李趙氏年十八適李行義五月夫卒撫棺大慟日上無

翁姑下無子媳死分也取衣裙納夫棺中隨脫簪珥

營葬事畢閉戶自經時送葬人無不泣下

高何氏年十九歸高先娘未逾月先娘患痘症卒殮日氏以頭觸棺一痛幾絕姑與其母勸慰畢至氏竟絕粒母曰兒知書當知大義氏曰三從卽大義今出嫁夫死又無子從死而已姑與母知其性烈日夜防護一日晨起謂母曰盍歸慰兒父兒無他矣母去乘間投繯死逾日殮顏色如生邑候朱公有章題其墓石

曰烈

節縣志

刁張氏刁步高妻咸豐三年步高病沒無子年二十八矢志守節平時衣不被體食不充饑惟日煮蔬菜和

以稀粥無粥則乞米泔以度年餘有內戚憐其窮者因勸改嫁氏怒曰吾若此不嫁以恥事二夫耳汝何得出此言由是不食米泔遂餓而死聞者無不下淚

縣志

論曰昔有人問程子孀婦無資以生可再嫁否程子云餓死事小失節事大斯言也亦與學者示精義之旨而已非強天下孀婦必皆餓死也蜀中女子向稱不學若刁張氏之倫豈其夙昔服膺程子斯語者哉率其性本乎誠行其心之所安雖餓死而不悔孟子曰仁義禮智非由外鑠我也我固有

有之也刁張氏固有而能達之者也故其事與程子之言若合符節乃知宋儒立言悉本天良非由意創近讀新學家書以謀生爲重於程子斯語饑其倡論隱致不滿之詞是可爲風俗憂者也愚故爲程子之說申一解曰以有坊民民猶有謀殺其親夫者

楊汪氏楊執道妻夫死無子日夜泣不欲生半月後以夫姪爲嗣曰夫有後可無憾矣遂縊於柩側

楊唐氏楊益孚妻無子棺殮畢泣血盡哀夜局戶仰藥

死

節縣志

李謝氏李守護妻夫死無子勺水不下咽六日而卒

節

縣志

楊王氏楊文龍妻以被仇人穢語辱罵持利刃自刎捐軀明志被

旌

節縣志

閻滿英藍逆至清白江偕父母走避賊見而追之遂投

水死

節縣志

石侯氏石盛新妻藍逆至境與家人奔避爲賊所擄義不受辱肆口罵賊賊手刃之

節縣志

高韓氏名韓三姑高志良妻始婚月餘藍逆至境偕姑

逃避不及賊脅之行行且罵適至江躍身投水死賊去家人越日獲其屍面目如生

節縣志

卿傅氏卿芳明妻藍逆至清流場大肆焚掠家人驚走氏曰與其死於道吾甯死於家暴屍中野吾恥之賊遂至匿屋下被焚死

節縣志

余何氏余懋周妻同治元年髮逆賴剝皮由鄆縣越新繁龍橋一帶居民竄散氏牽幼子弱女逃避叢莽中賊躡跡入執欲汗之氏抱子不捨賊奪之氏大言我不受辱不顧子女投河而死

節縣志

以上貞女烈婦

梅王氏副貢梅洪妻生子運昌四月洪卒氏痛絕誓不獨生舅姑反覆勸慰乃止葬畢欲嫁之氏曰婦所以不死有翁姑及孤耳此禽獸行甯死不爲日勤紡績艱苦歷二十餘年後以運昌中舉服官膺

誥命運昌之妹梅氏亦以節孝稱

節縣志

余孫氏余成英妻割股療姑疾人稱孝婦後成英歿日勤紡績苦節五十餘年

節縣志

趙楊氏趙廷鼎妻以孝婦稱廷鼎仕河南姑就養忽病篤氏沐浴焚香告天願身代割股置藥中以進姑卽

愈

節縣志

楊汪氏楊明善妻夫病氏割右股以進夫病愈後姑病割左股以進姑病亦愈後姑與夫相繼歿遺五歲子守節撫之成立

節縣志

于楊氏于怵妻嘗割左股療姑疾夫歿茹荼守節數十年

節縣志

傅葉氏傅廷華妻廷華歿其祖悲悼氏泣慰祖翁曰夫死養祖翁事孀姑撫遺孤氏之責也於是操作不輟事祖惟謹祖八十壽終以孝婦獎之孀姑王多病患脚疾氏親湯藥侍牀蓐扶持起臥三年姑臨歿嘆曰願世世子孫皆如此賢孝以報汝也氏以悲傷目瞽

新繁縣鄉土志

卷二下

十

守節四十一年忽復明人稱孝感所致云

節縣志

蘇全氏蘇毓良妻夫卒以養姑教子自任姑病風痺不能起氏背負出入日以爲常教子成名守節四十餘年

節縣志

李杜氏李應祥妻應祥卒氏欲以身殉旣念翁姑衰老幼子孤弱強自節哀鄰婦勸他適氏引刀斷指泣語姑曰媳若守節不終有如此指人驚其烈姑患風痺委頓牀蓐氏扶持三年不懈課子有方至於成名子壽萱事具孝友錄

節縣志

甯陳氏甯氏養媳

蜀俗於夫家謂貧孩提即

年十六姑疾殆

氏竊憂聞古有割股救親潛割股肉如錢雜藥以進
母遂療後婚配舉子夫卒守節八十餘歲終

宋劉氏宋輝遠婦夫臨終毀容去飾爲永訣信姑病侍
湯藥不懈每夜私祝願身代姑姑彌留執婦手曰二
世尙得爲姑婦願足矣姑歿哀毀成疾戒子曰我病
如此不久矣汝善事祖父母無忘我言遂卒

節縣志

吳董氏吳朝樑妻翁鍾蘭庠生積善好施子四朝樑其
次也朝樑死三子亦相繼歿三婦皆他適氏傷翁瘞
獨罵三婦不仁泣曰晚年喪子親之不幸棄之去忍
乎乃朝夕侍奉無不周至翁年七十繼娶生弟俊氏

撫之成立課讀遊庠婚配生子俊亦感嫂孝義以生
子爲兄嗣

節縣志

傅曾氏傅必霜妻夫死十三年不膏沐朝夕侍姑側親

族見之罕者

節縣志

徐黃氏徐俊妻夫死痛欲死念姑無人奉養敬執婦道
嘗曰我所以不死欲爲亡夫盡子道耳養瞽姑四十

餘年始終如一

節縣志

黃李氏黃正才妻家無恒產夫故無子辛苦不勝有勸
嫁者氏泣曰吾非不知守之難奈婦人之義何以饑
寒易節吾不爲也日勤操作終身不易其志

傅蕭氏傅義隆妻夫死日夜號泣孀姑謂之曰節爲苦節汝知之乎守之一字非易事也汝翁歿數十年其間千辛萬苦悉數難終至今日子旣婚可稍慰矣又不幸死吾老無依可奈何汝少婦三思可矣氏泣曰姑言肺腑也然婦人從一禮在則然況夫死姑在捨姑而他我不忍爲姑見其誠始撫子一門雙節里黨稱之

節婦志

劉龍氏劉晉基妻夫死守節事姑孝姑病割股以進夜夢人告之曰錢紙灰可創瘡口如其言姑病及已瘡立愈

曹陳氏曹永清妻

以下十八人係極貧守節所爲尤難

蕭甯氏蕭金鳳妻

甯廖氏甯孝繼妻

楊周氏楊炯道妻

掃呂氏掃師泰妻

左高氏左興宗妻

蒲周氏蒲雲春妻

胡吳氏胡尙箴妻

劉黃氏劉華清妻

刁藍氏刁發高妻

熊景氏熊宇著妻

張李氏張國清妻

劉蕭氏劉燮妻

宋李氏宋承綱妻

劉周氏劉士理妻

李張氏李朝臣妻

馬張氏馬正道妻

巫張氏巫朝霖妻

以上節孝